

大同府志卷之四

大同府知府吳輔宏纂輯

山川

重實分州以山川定疆界山海經主於叙山而水歸詳
綴水經專於紀水而山頗寓列皆志地家之權輿也依
古以來陵谷代變名號各殊舉彼例此或離或合如恒
山爲并州鎮道主恒久而曲陽飛石聚訟傳疑歷四千
餘載而始復唐虞之舊又况水之植潏流壅今昔改觀
審乎我考現今山川名目脉絡原委兼採載籍舊聞用
輯印證其不知者闕焉並著於篇以爲山川志

府境之山以桑乾河分南北北山自朔平府左雲縣北之
彌陀山逶迤東北行入大同界乃府城西北九十里拒
牆堡之北山推山東西袤百里北連邊外金史地里志
雲寧縣有彌陀山卽此

由彌陀山之東折而南其在府治西北十五里者曰雷公
山高七里盤踞百二十里南連武周山上有雷公廟甚
古下有龍泉亭禱雨奇驗元宣君縣尹單鵠分省奉司
都事姚拜延普華二碑在焉

武周山東距府治二十里高二里盤踞二十里北連雷公
山山下有石佛寺後魏高宗時僧曇曜鑿山石壁開窟

一五所鑄建佛像雕飾奇偉冠友一世顯祖高祖嘗幸焉
山下有金耿光祿塚武州之州水經注隋書地理志皆
作周魏土地記謂之武州塞口

雙化嶺東距府治三十里相傳二僧化此高十里盤踞百
餘里北連武周山東南連拖皮嶺南北二峯南峯尤高
嶺西有古寺蹟隸左雲界

田武周山迤邐西南其在大同懷仁山陰三縣界者其一
曰鳳山東北距府治四十里山一峯遞高八里盤踞三
十里西連土嶺南連口泉峪口泉水出焉東北注武周
川明嘉靖間大同遊擊焦澤從總兵周尙文戰彌陀鳳

鳳卽此以在府治西南隅亦稱坤雲山

七峯山在坤雲南五里許高八里盤踞三十餘里其陰隸
大同其陽隸懷仁山有七峯曰筆峯曰太史峯曰劍峯
曰鰲峯曰白雲峯曰麾天峯曰玉女峯七峯羅列摩天
峯最高其脊有青石盤旋至巔遠視似龍壁有玉龍洞
洞口風聲迅疾深杳莫測又有天橋東壁鑿石梯百級
授鐵組僂僂側足而度洞上巉巖聳出中建恒嶽行祠
風雨不侵又東三里有黃龍洞

房山東北距府治六十里高七里盤踞四十里西連懷
仁馬石嶺北連七峯山南之月窟嶺一峯壁立土人名

丈人峯上有磚浮圖佛寺晉遼建

懷仁縣西北十五里曰鷲毛口中里八莊河所導源也又西北五里曰得勝山山脊崎嶇鑿梯級攀躋而上

陳家峪山東南距懷仁縣治三十里相傳宋將楊業兵敗於此攷宋史潘美王侁陣於陳家谷口趣業進戰使人登托邏臺望之在今朔州西南寧武山上是陳家谷必附近朔州今懷仁西北之陳家峪距朔州西南境約二三百里有奇且是時遼復取寰州爲今馬邑縣業等自鴈門帥師北行戰敗引還不當反越馬邑而北也又西北五里有團山上有寺以上諸山俱在禪房山東南岡嶺

相接

由鷺毛口而南曰清涼山東距懷仁縣治十五里高二里
許巔有甌浮圖數十里外可望見舊有利國鐵冶元西
京爐冶之一也北壁有石碣土人云內有金鑽約三寸
許觸之輒動取之不出石堂內有地鼓石擊之聲似鼓
西有寒泉雖盛暑不敢飲下建文殊院

錦屏山東距懷仁縣治二十里山峯聳翠若屏舊有磁窑
鐵冶金史地理志懷仁有清涼山錦屏山卽此

盧子山東距懷仁縣治二十五里其下爲盧子口村舊

亦名盧子

小峪山東北距懷仁縣治二十里小峪口水出焉東南注于桑乾河山頂有張萬戶洞其西南曰鵲鴿峪東北距縣治三十里又西南曰牙余山紅山峪上有捨身崖東北距縣治三十五里

大峪山東北距懷仁縣治五十里盤曲三里與左雲縣四峯山連接雙峯對峙林木森鬱上有鵬窠寺亦謂之鵬峪路徑差廣可行車南達鴈門西通紅羊峪蓋雲西代北要道也大峪河導源於此凍流入桑乾

燕家山東北距懷仁縣治六十里上有燕家洞石鐫燕洞竇重修五字又西南十里曰金龍山山下有泉通馬邑

金龍池

金仙山東北距懷仁縣治五十里乃黃花嶺之北阜也上有金仙洞懸石如樓閣又南曰滴水崖石壁有孔日滴水數壺可供一人

黃花嶺山脈自馬邑北洪濤山來南距山陰縣治西距應州治皆四十里東北距懷仁縣治六十里新莊河北來遶之桑乾河逕其南平坡長坂屈曲聯絡延袤五十餘里元大德四年發軍民九千餘屯田其地以濱河土沃故也古名曰黃瓜堆北魏穆帝六年營於故平城南百

里建水塔名曰黃瓜堆築新平城北齊天保五年柔然攻

肆州文宣自晉陽討之至恒州黃瓜堆水經注亦作黃
瓜阜其後訛瓜爲花唐嗣聖四年朔州烽警詔總管黑
齒常之與戰黃花堆元和中沙陀朱邪執宜保神武川
之黃花堆是也金史地理志註應州金城縣有黃瓜堆
山陰有黃花嶺則誤以爲兩山矣史記趙武靈王十九
年之代北至無窮西至河登黃華之上正義曰黃華西
河側之山名卽今朔州西五十里之西華嶺不在府境
米家嶺在黃花嶺南大于口在嶺西俱隸山陰縣

由雷公山迤北而東曰方山南距府城五十里高三里盤
踞三十里一峯壁立巔有北魏法興寺傳神皇墓其左

如渾水北來逕之水經注如渾水逕方嶺上有文明
后陵陵之東北有高祖陵二陵之南有永固堂魏書太
和元年於方山建思遠寺三年建文石室靈泉殿五年
建永固石室舊志所謂方山宮遺址也明嘉靖十八年
總督毛伯溫所築鎮邊鎮川宏勝鎮河鎮魯五堡分布
山麓

少南曰神山唐書沙陀傳李克用引軍自神堆夜入雲州
疑卽此今土人謂之孤山下有孤山村又南曰野孤嶺
南距府治二十六里

方山之東曰乾真山西南距府治五十里高三里盤踞十

五里南連採掠山北界邊牆陰書地理志雲內有絃真
山猶言千里也山冬夏積雪一名訖于唐昭宗曰絃于
山頭凍殺雀則其山峰峭峻高寒異常太非

一

採掠山西南距府治四十里盤踞一百四十里東連陽高
之雲門山西南連小白登上建採掠大王廟及採掠
觀山多產藥草明代藩諸墓在焉按採掠山之名見於
金史地理志北魏書謂之石會山明元帝大閱東郊講
武以山陽侯奚斤元城侯元屈行望石丞相大獮於石
會山是也又石勒時人張匄督賜姓石名會見晉書載

紀山之受名無可證實

小白登山俗名馬鋪山西距府治七里高一里盤踞三十
五里上有白登臺東北連採掠山以陽高縣南有白登
山故此加小也史記索隱引姚氏案北疆記謂桑乾河
北有白登山

國之所漢書注服虔曰白登臺

名去平城七里如淳曰平城旁之高地若邱陵也李穆
叔趙記平城東七里有土山高百餘尺方十餘里卽白
登與服如說同顏師古則謂在平城東山上去平城十
餘里今其處猶存里數不合蓋漢與北魏之平城雖均
今府治東地勢不同別放水經注旣引服虔曰平城之

讀文云今平城東十七里有臺即白登臺也南對黑山

卽白登山也漢魏時人據漢縣言唐人據代都屬縣言

道元以北魏人記魏京邑親履其地其言必不妄是北

魏平城東十七里卽漢平城東七里今凍倉坡以東高

阜處近之而陽高縣東南二十五里之白登山又何以

名其說始於遼史之誤以長青縣爲懷白登臺地金史

因之不知同一白登其在平城東七里者以山言陽高

之白登以縣言魏書天興二年起鹿苑於南臺陰北距

長城東包白登屬之西山廣輪數十里神龜六年發京

苑六拜以築苑起自舊苑東包白登周圍四十餘里蓋

魏廣鹿苑遷白登之民於故地東百里外歷齊周隋唐
及遼而如置縣意遼以前必有如今之所謂白登村者
今乃以之氏縣猶敦水流逕白登村南亦謂之白登河
後人以縣名白登遂指縣南小阜爲白登山其實漢高
被圍之處不在此明史地理志大同縣有白登山陽和
衛下但言元白登縣考据最確

採掠山麓聚落之西曰牛皮嶺西距府治六十里昌一
里盤踞十里南連土坡山兩崖對峙若頽垣欲落中迴
水徑御站畔數里遺址唐書雲中東有牛皮關金史入

嗣有牛皮關今其分汛

聚落城北俗名聚落山及撫掠山之驍槍也山海經少咸之山敦水出焉水經注敦水導源於少咸山南麓卽今白登河發源山下河兒頭村村西南距府治七十八里

白登河之陰曰白登山西北距陽高縣治二十五里其北有大小白登村乃金元白登縣故治非漢高被圍之白登臺也說見前小白登山下

雲門山南距陽高縣治十里西連採掠山東連天鎮之環翠山北界豐鎮延袤數十里翠屏當面如幃抱城亦名翠屏山卽古之青陂山也唐地理志雲州有青陂道爲

出兵路梁元帝橫吹曲朝跋毒陵道暮上白登臺遼之
張青縣以此得名其東爲鐵裹門門東西爲大小鴉鵂
峪口明嘉靖間王邦直率義兵出塞抵鴉鵂峪卽其處
也西北曰清涼嶺

清涼嶺在陽高北少西守口邊外東北距豐鎮廳治百三
十里其巔爲神谷有穴名風洞遠不可測守口海道源
其麓卽古鴈門水也水經注鴈門之水出於鴈門之山
在高柳北其山重巒疊嶽震舉雲高連山隱隱東出遼
塞以地望考之當卽雲門以東諸山與每津之鴈門別

虎兒山東南距豐鎮縣治二十里其東爲猴兒山守口河

自兩山間出名開

日金史謂之墨谷口崇慶元年元

帥左都監奧屯襲擒西京至墨谷口一軍盡殪卽此迤
北爲擅風崖卽古言柳塞

開山口之南少西曰斷頭山東距陽高縣治十里明洪
武五年指揮章存道從征陽和遇兵於此力戰死兩鎮
三關志云斷頭山在陽和邊境外未核

雕窰崖東北距縣治十五里山半有石盆其津漉而漉焉
挹之不竭崖遍開黃花土人名金蓮花其下石窰大水
二溝東西分流迤南峯巒突岨下建青龍觀觀前懸石
如屋巔有石洞援鐵梯而上西峯尤高名樞密寨上刻